

СССР-лэн Обороваез'я Народной Комиссарезлэн Советской Союзлэн маршалэз'э К. Е. ВОРОШИЛОВ эшлэн верамез

Эш'ёс!
Зечкыласько тйледыс, боец'ёсты, командир'ёсты но политработник'ёсты но вань гражд'ёсты международнои праздникен—Первой Маен!

Советской Союзысь калык'ёс гинэ та нуналэз пумитало шумпота но празднично. Советской адямиос дан'ясько социалистической лэсьтиськонын асьсэлэн азинскем'ёсынызы но мыло-кыдо пус'ё со фактэз, что асьмелэн странами пользоваться кариське мирлэн благоосынызы, кыктэтй империалистической войналэн куашетыса жуась бадзым пожарезлэсь палэнын сылэ.

Капиталистическэй странаосысь калык'ёс туннэ котькулэсь ик лэчыт шодозы капитализм но Советской страна кустысь вань пёрэмлыкэс, кык мир'ёсты люкись нюклэсь мурдалазэ.

Советской Союзысь 183 миллион'ем калык, Ленинлэн—Сталинлэн партиенызы во главе, кудйнызы кивалтэ великой Сталин, лэсьтэ аслэсьтыз социалистической улонзэ. Советской Союз войнаез кулэ уг кары, но войналы котьку дась. Вакчи дыр кустын белофинской армиез солэн нимо-дано Маннейгермтэн личиенызы валче пазьгон, англо-французской юрттэт шоры учкытэк,

нош ик огпол возматйз асьме калык'ёс кужымзэ, асьмелэн данлыко Красной Армиямылэсь кужымзэ но бадзым долблестьсэ.

Та вакытэ международнои обстановка пумозяз ик тугамын. Кыктэтйез империалистической бойня ялан зол но зол пуроме. Сое кенжытйсьёс тыршозы та виро жуке асьмедыс кыскыны, а учырзэ шедьтыса Советской муз'емлэн со, яке та люкетэз вылэ но усыкытскыны. Дась улоно котьку но когыма луонлы. Кыкполлы будэтно асьмелэсь бдительностьмес но дас полкужмоятно ужез асьме ролинамес оборонять карон'я, Красной Ар-

миямылэсь но Военно-Морской Флотымылэсь кужымзэ юнгагон'я. Асьмеос сое лэсьтомы вань большевистской мылын-кыдын. Со лы порукаен луэ 183 миллион'ем калык'ёс энергиез но дугдылонтэм вояез но асьме Ленинлэн—Сталинлэн мудрой партизы.

Дано мэд луоз асьмелэн кужмо Советской калыкмы!

Дано мэд луоз данлыко но доblesной Красной Армия но Военно-Морской Флот!

Дано мэд луоз Ленинлэн—Сталинлэн партиез!

Дано мэд луоз асьмелэн великой Сталинмы!

Кизёнэн нуналмысь кивалтоно

Колхоз'ёс вылй урожай басьтозы соку, кукэ тулыс ю кизёнэз йылпум'ялозы вакчи дыр кустын но вылй зечлыкэн. Районысьтымы кудог колхоз'ёс кизёнэз йылпум'яне вуттйзы ни, нош зечлыкэз понна нюр'яськон организовать карымтэ.

Лековаевской сельсоветысь, „Динамовец“ колхоз агротехнической мероприятияслэсь кудог люкет'ёссэ тйяса кизе. Татын 7-тй майлы 100 гектар сезыы киземиын ке, 8 гектар сяна сеялкаен киземез өвёл. Колхозлэн председателэз, Мышкин эш, ас колхозаз антимашинойнастроение кылдытйз. Соин сяна номырин но валэктыны уг луы со фактэз, что та колхоз 1933 арын сеялка басьтйз но, соин чик ужатэк частьёссэ мукет азе пазьса быдтйз. Соин ик Мышкин эшлы вераськыны капчигес луиз, со сеялкамы өвёл бере кытыгь шедьтом шуэ но, кыин кизёнэз продолжать каре.

Та колхозысь гырысьёс но вылй зечлык понна уг нюр'ясько, соос лыдыз понна гинэ уйысько. Тани 3 номеро бригадаысь гырысьёс, Семкин Петр Михайлович, Мышкин Петр Петрович но Мышкин Ефим Петрович, мурдалазэ 11—12 сантиметр сяна уг гыро. Рядовой сеялкаос уже кутымтэ Бозинской сельсоветысь, „Прожектор“, „Новый путь“ но Буденныйлэн нимынызы нимам колхоз'ёсын но.

Машинно-тракторной станция тулыс ю кизёнэн кивалтонэз кокак ас эрказ лэзиз. 59 трактор'ёс пöльысь туннэ нуналозь 45—48 сяна ужаны өз кутскылэ на. „Динамовец“ колхозын ужась тракторист, Трефилов Алексей, кокак жыны гектар котыр гыриз но, тракторзэ аналтыса гуртаз улэ. Та нокинлы но тодмо өвёл, трактор ужаны быгатэ-а яке ужаны ярантэм тйямын-а. МТС-лэн механик'ёсыз колхоз'

ёсытй легковой автомашинаен гостролировать карыса гинэ ветло. Кылсарысь, 6-тй мае „Прогресс“ колхозын ужась тракторист, механик'ёслэсь бензинзэс курыса, тракторзэ завести карыны малпам вал но, механик'ёс трактор доры дугдылытэк кошкызы.

Райзолы мылысь-кыдысь кивалтыны кулэ вал сортообменэн но колхоз'ёсысь колхоз'ёслы ю кидысэз ворттонэн, но райзо та ужез возложить кариз ВКП(б) райкомлэн но райсоветлэн исполнительнои комитетэзлэн колхоз'ёсы ыстэм уполномоченнойёсызлы но агитколлектив'ёслэн кивалтйсьёсызлы. Аслаз вылысьтыз ответственностез куштэмлэн бервыл'ёсыз туж уродэсь.

Колхоз'ёслэн, куд'ёсызлэн ю кидысы мултэс, соос та дырозь нуымтэ на со колхоз'ёсы, куд'ёсызлэн ю кидысы тырмымон өвёл. Кылсарысь, Б-Малагово колхозлы Горбашевскэй сельсоветысь „Сталино“ колхозысь чабей ваёно ке вал, али дыре со ужен нокин но уг кивалты. Озыен Б-Малагово колхоз ю кидыстэк улэ.

Уш'ясыкыны уг луы тулыс ю кизёнэсь колхозник'ёс но колхозницаос пöлын массовой уж нуонэн но. Туж ичияз гинэ колхоз'ёсын мылысь-кыдысь ужало агитатор'ёс, чтец'ёс но борд газетлэн редактор'ёсыз, нош доска показательёс сярись вераськонэз өвёл, соос ваньмыз ик вунэтэмын. Социалистической соревнование нокинэн но уж вылын уг быдэс'яскы.

Тулыс ю кизёнэн тае тырмымтэ интыосты чиданы уг луы, соин ик вань первичной партийной, комсомольской но земельной организацислы та ужен зэмос кивалтоно. Нюр'яськоно тулыс ю кизёнэз вакчи дыр кустын но вылй зечлыко агротехнической уровенын йылпум'ян понна.

Тулыс ю кизёнэсь стахановец'ёс


Люмской сельсоветысь, „Горек'яшур“ колхозысь колхозник'ёс но колхозницаос А. С. Возмищев, П. С. Возмищев, А. И. Чупина но А. Е. Утробина однолемешной плуген гырыса, нормазэс мултэсэн быдэс'яло. Соос нормая 0,70 га интые, гыро—0,93 га.

Гыронын мултэсэн нормазэс быдэс'яло „2-я пятилетка“ колхозысь Л. А. Трефилов, Г. П. Трефилов эш'ёс но.

П. ПОЗДЕЕВ.

Москваын 1-тй маеэ праздновать карон

Красной Армиялэн но Военно-Морской флотлэн частьёсызлэн парадзы Красной площадиын.



Суред вылын: Артиллериялэн ортчон дырыз.

ТАСС-лэн опровержениез

1. Кудог иностранной газет'ёсын сыче иворгон'ёс потйзы, будто бы Советской Союз Финляндилы чектэм Выборгез (Виипуриез) Аландской остров'ёсын воштыны, нош Рейтер агенство 1 мае радио пыр сётйз аслаз парижской корреспондентэзлэсь иворгонзэ, со сярись, что якобы „СССР Финляндилы вазиськем Аландской остров'ёсты но Петсамоез воштыны вылысь солы Ханкоез но Выборгез берлань сётыны чекгыса“. ТАСС уполномочить каремын вераны, что сыче вань иворгон'ёс номырин но обосновать каремын өвёл и быдэсак вымышленноен луэ.

2. „Маасбодэ“ голландской газет, озыы ик кудог мукет иностранной газет'ёс иворто, что будто бы „СССР кылем арнае германской правительстволы нота сётэм, нотаын советской правительство верам, пе, что со Германилэсь

Швецилы пумит действиссэ недружелюбнои актэз сямен учкысал, что, со сяна, СССР вераз на, что со лэзыны уг быгаты Германиен Аландской остров'ёсты оккупировать каронэз“. ТАСС уполномочить каремын вераны, что со ивортон зэмлы уг тупа. Зэмзэ вераса, Германия но СССР кустын огод вылэ огод нападать каронтэм сярись договорлэн взаимной информацииос но консультациос сярись куиньметй статьяезлэн соответствииез'я, кык арна талэсь азь-выл Москваын СССР-лэн но Германилэн представителёсы кустын мынйз информациисын вош'яськон'ёс Швецилэн нейтралитетэз сярись ужпум'я, соку констатировать каремын вал, что кыке ик государствоос асьсэды зэм интересованноен лыд'яло Швецилэс нейтралитетэз возьманын.

Вал'ёсты уг утялто

Лековаевской сельсоветысь „Динамовец“ колхозын вал'ёсты угтялтон чидантэм урод пунктэмын. Вал'ёслэн сылон интыоссы нөдэсь луэмен, вал'ёс ваньмыз ик саптаскылым. Нош конюх'ёс вл'ёсты

уг сузьяло. Кылсарысь кык номеро бригадалэн „СЛОН“ кличкаем влэз туэ арын сузьялэ на. Солэн когырыз зын, нөдэсь макек'ёсыз галыськылэмын.

Б.

Культбригада но солэн член'ёсыз

9 часэ жытазе ми, Приятный эшеним, „Рассвет“ колхозэ вуим. Приятный эше мынам азьло ик тодем вылэм ни, что туннэ татын райцентрысь лыктэм культбригада выступать кароз шуыса. Соин ик ми соослэсь выступленизэс адзытэк кылэнлэсь курдаса, колхозлэн канцелярияз пыратэк, клубе кошким.

Пырим клубе, нош отын колхозник'ёс но колхозницаос киосынызы чабыса, пыд'ёсынызы тапыр вырыса пуко. Мон мар та шуыса учкисько вал но, мынам Приятный эше соку ик мыным валэктыз:—Тон, Недоумевающий эш,—шуэ со—эн выры, али культбригада выступать карыны кутскэз ни. Марлы бен мон вамен'яськом, соку ик шыппы пуыны кутски.

Выступление кугскиз. Учкыны лыктэм калык ваньмыз чусомиз. Соос учко но кылско, кудд'я нош куальтырак серектыло но. Быдэс час кыстыськиз соослэн выступленизы.

Соосын возматэм номер'ёс ваньмызы ик яраз. Куд-ог номер'ёсты кык пол но возматаны курылызы на учкыны лыктэм калык'ёс.

Выступлениос бырем бере ми, Приятный эшеним, колхозник'ёсты но колхозницаосты кутыса эктыны кутским. Культбригадалэн куд-ог член'ёсыз но милемын чош ик эктзы.

Жыны час эктыса вуим оло ом, нош ик „представление“ кутскиз. Культбригадалэн членэз Ольга Мохова клублэн выж шораз пограз.

Таиз нош мар—юасько мон, Приятный эшелэсь. Со мон доры лыктыз но каллен гинэ вераз: таиз,—Недоумеющий эш „программазылэн продолжениез“.

—Пояськод тон, кеськи ук эшелы! марлы нош сцена вылын овёл, а клублэн выж шораз выступать каре?!

Приятный эше вожэз поттыз но, ымдур'ёссэ ик ошыса мыным котурдэсам мырылыны кутскиз.—Тон нокутын уд чидаськи, ялан тынад тодемед потэ, нош ачид номыр уд макгалтыськи—шуыса даллашиз монэ эше.

Мохова выж шоры ик пограса кылиз. Нош ми, Приятный эшеним, колхозник'ёсын но колхозницаосын чош ик клубысь пегзыса кошким. Мон нош эшшо но кышкай на, татын кычеке йыруж луоз кожаса.

Марин быриз Моховалэн „выступлениез“ милемлы тодмо оз луы, соин ик одйг колхозэ мыныса эшшо учконо луимы на.

Кык-куинь нунал орчем бере мон доры Приятный эше пыриз.—Айда мыним, Недоумевающий эш, учкомы на эшшо культбригадалэсь выступлениэ—эра мыным Приятный эше.

—Мыним ке мыним, мон солы пумит овёл в е д ь, шуи эшелы.

Муз'ем вылэ пыдмы но кадэ уг йогылы, озы, шок - пуль гинэ шокаса, кошкиськом бригадалэсь выступлениэз учкыны.

Вуимы Б-Малагово колхозэ. Нош культбригада отын ик вылэм ни. Соин ик татыс кёлыны аналским.

Шконалэн комнатаез бадзым. Калыкез отын тыраз ик тырмемын. Кутскизы ук выступать карыны, нош возматано номер'ёсы оезлэсь оез умоесь. Таосты учкыны лыктэм колхозник'ёс ваньмыз мылысь-кыдысь учко, ымнырзы соослэн пальпотыса улэ.

Жоген возматон номер'ёсы быриз. Марлы нош Мохова уг ни „выступить“ кары шуыса, юаны ымме усътэм вал но, Приятный эше кыл вераны сётытэк ымме пытсаз.

Эшеним даллашытчоэз Моховалэн „выступлениез“ кугскиз. Олокутысь бызыса лыктыз но, нош ик выж шоры пограз. Озытны мынам Приятный эше но, мон но, валаса ом вуттэ, яке программазы культбригадалэн сыче, яке Мохова гинэ маскар'яське. Соин ик та сярэсь ВКП(б) райкомлэн пропаганда но агитация отделэз умойгес тоэ дыр шуыса, солы вазиськиськом. Со шонер определить кароз, программа сыче, яке Моховалэн аслаз гинэ-а „трагедиез“ со.

Недоумевающий.

Тырмытэосты тупатыны кулэ

Баяранской сельсоветысь „Красный октябрь“ колхозлэн председателез, Королев эш, ас ужаз чик ответственность шодытэк улэ. Районной организациослэсь но сельской исполнительный Комитетлэсь нокуче указаниоссэс санэ бастытэныз, Королев вань ужез бере кельтэ.

Неграмотнойёсты но малограмотнойёсты дышетыны та колхозлэн тырмыт условисыз вал ни ке но, та уж ялан аналмыса улэ.

Пудо вордон ужын нокуче азинскем'ёс уг шодысько. Туэ арын ОТФ-язы 62 ыжпиос вордскизы но, соос пёлысь 28-ез кулызы.

Колхоз бере кыле коньдон люкан ужен но. Вань та тырмытэос Королевлэн безответственно ужам бордысьтыз пото.

Пос.

Тулэс ю кизёнлэн мынэмез сярэсь 8-тй майлы райзолэн

ИНФОРМАЦИОННОЙ СВОДКАЕЗ

Сельсовет'ёс	Киземын процен-тэн вераса	Рядовой сев гаен вераса	Этйн процент.
Еловской	63,5	289	18
Люмской	51	99	38
Чабыровской	47,7	165	45
Пудемской	52	55	20
Костромской	47,	179	30
Баяранской	44,2	39	14
Горбашевской	41,6	44,8	45
Лековаевской	25,8	24	26
Бозинской	25,3	77	29
Ваньмыз	42	927	29



Советской Союзлэн героез батыльонной Комиссар Александр Николаевич Костылев.

Граница сьорысь ивор'ёс

Норвегийн военной действииос

Германской ивортов'ёс

Берлин, (ТАСС). Германской армилэн верховной командованиез ивортэ:

„Туж дыртыса чигнась англичан'ёсты уйыса мыныса, германской войскоос толон Ондальснесэз бастызы“.

Берлин, (ТАСС). Информационной бюро германской армилэн верховной командованиезлэсь та же сводкаэз сётэ:

„Английской войскоослэн Ондальснеслэн районысьтыз кылеммылем частьёсы кошкыса бырем бере, Норвегилэн быдэс территория вылаз ик порядок тупатон операцияс туж жог мыно. Норвегилэн западной люкетаз норвежской войскоосты демобилизовать карон мынэ. Нарвиклэн север палтыз но юго-запад палтыз неприятельской вооруженной кужым'ёс каллен лыкто германской позициос доры.“

Германской военно-морской кужым'ёс Скагерракысь нош ик кык неприятельской подводной лодкаосты быдтызы“.

Берлин, (ТАСС). Ондальснесэз немец'ёсын бастэм германской войскоосын Норвегийн туж бадзым азинскон'ёс бастэмез кадэ дун'яло газет'ёс. „Дейче Альгемайне Цейтунг“ ляд'я, что Ондальснесэз бастон Англилэсь север ласянь Германия вылэ лыктон планэз куашкатыз шуыса. Норвежской войскоос тросэз пычал'ёссэс куяло. Та берло кык нунал'ёс кутын луэм событиос, вера мукетыз газет „Берлинер Берзен Цейтунг“, возматэ западной державаслэсь Норвегийн туж бадзым пораженизэс.

Английской ивортов'ёс

Лондон, (ТАСС). Авиацилэн министерствоез ивортэ, что толон английской самолет'ёс бомбардировать каризы но зол сьорылэзы Ставангерысь, Форнебысь но Ольборгысь германской аэродром'ёсты. Германской авиациен жугиськуку, чик ожытэ вераса, противниклэ-3 истребительёсыз уськы эмын. 7 английской самолет'ёс асьсэлэн базаосазы оз ни берытскелэ.

Лондон, (ТАСС). Военной министр во ивортэ, что союзник'ёслэн войскоосы, куд'ёсыз та берло нунал'ёсы Тронхеймлэн юг палаз немец'ёсты азылань мыныны лэзытэк вазызы, али соос отозвать

каремын ни противниклэн кужымез ялан будэмен сэрэн. Англо-французской войскоос благополучно пуктэмын вал Ондальснесын но мукет матысь порт'ёсын сылэсь корабльёсы.

Лондон, (ТАСС). Рейтер агентствэлэн иворэмез'я, Реросын сылэсь норвежской войскоос, Толгаен но Тьёнсетэн куспый мынэсь германской частьёсты дугдытыны понна, Рерос городлэн юг палаз позицисы дугдызы. Норвежской частьёс германской отряд'ёсын ваче буылэзы ни, соку кёня ке муртэ пленэ бастызы.

Лондон, (ТАСС). Рейтер агентство ивортэ, что германской войскоос Реросысь чигнано луизы Ренлэн районысьтыз германской коммуниациосгы вис'ямен сэрэн.

Лондон, (ТАСС). Английской правительствое аслэсьтыз войскоосэ Намсослэн районысьтыз отозвать карыны пуктыз шуыса иворто. Войскоосты судноосты пуктылон кутскиз ини.

Французской ивортов'ёс

Париж, (ТАСС). Гавас агентство ивортэ, что Рерос город туннэ нош ик таламын вал норвежской войскоосын. Соослы юрттызы союзной войскоос. Норвежской войскоос немец'ёсгы Тёнфетысен Квикне дорозь уллязы.

Париж, (ТАСС). Гавас агентство лэн ивортэмез'я, толон Домбосын туж лекесь жугиськон'ёс мынэзы. Домбос — Стёрен чугун сюрес туж кузь интыез сьорылэмын.

Домбослэн районаз жугиськон'ёсын туж трос вир кистыське. Толонлэсь валлян но толон чукна английской войскоос Домбос доры вуизы вал, но нуназе кёнякелы нош ик чигнано луизы.

Авиацилэн бадзым деятельностиез мынэ. Ставангерысь аэродромез куинь пол кутскылыса бомбардировать каремын. Отын ог 200 ёрос самолет'ёс сыло вал, шуыса чаклало. Со бомбардировка дыр'я 8 английской самолет'ёс уськытэмын. Немец'ёслэн но 8 самолет'ёсы быриз. Трос германской самолет'ёс аэродром'ёсысь быдтылэмын, нимысьтыз ик вераса Ставангерысь.

Нарвиклэн районаз событиос умой паськытало шуыса иворто. Одыг германской отряд Нарвиклэн север палаз Гратангенлэн районаз копак быдтэмын.

Китайын военной действииос

Центральной Китайын

Цзянси провинцилэн северной люкетаз японец'ёс Фынсинь но Цзин-ань город'ёсты бастызы. Берлогес китайской войскоос контра-такос нуыса японец'ёсты Цзин-аньысь уллязы. Кыкезлэн ик сторонаослэн трос калыкы быремын.

Хубэй провинциын японец'ёс ог 15 сюрс войскоосэс Янцзы шуркузя валлань Ханькоуэ келязы.

Японской источник'ёсысь бастэм сведениос'я, 197-тй китайской дивизилы японской войскоос удар лэстызы. Со китайской дивизия оперировать каре вал Дунтинху озеролэн восток палаз гурезэ интыын. Японской полевой штаблэн даннойёсыз'я 1 мае японской авиация бомбардировать кариз но пулемет'ёсын ыбылэз китайской войскоослэсь 7 сюрс мурт'ем колонназэс. Та колонна Чжэньян—Лошань шоссе-ной сюрес кузя азылань мынэ вал.

Северной Китайын

Шаньси провинцилэн южной люкетаз всяк фронтын ик японской

войскоос чигнаны кутскизы. 1 мае китайской войскоос провинцилэн та люкетысьтыз кёня ке пункт'ёсты бастыны быгатызы. Жугиськон'ёс мыно Цзинчэнлэн сектораз. Татын японской войскоос Поай город доры мыныны туртско вал.

Южной Китайын

Южной Китайысь фронтын та кылем арня куспын военной обстановкын номыриз ик оз воштыськы. (ТАСС).

Отв. редактор—П. МАЛЫХ.

Поттысь Райсоветлэн Исполкомез

КИНО-ТЕАТР

Анонс

11—12 мае

„НА РОДИНЕ ВОЖДЯ“

Сеанс'ёс кутско б но 8 часэ жытазе